

K29
15
:366(3)

中國方志叢書·華中地方·第三六六號

據

清·羅度等修，郭肇林等纂
光緒九年刊本

影印

四川省

珙縣志

(三)

成文出版社有限公司印行

中華民國六十五年 月臺一版

珙縣志

全三冊

發行人：**黃成助**

出版者：**成文出版社有限公司**
台北市郵政信箱二二六〇五號
台北市羅斯福路三段二四〇巷五號

印刷者：**成文出版社有限公司**

內政部登記證內版台業字第一一四七號

爲謝厲色御之藝教人也以敦品爲先所至士習
一變先後受業門下掇巍科者百餘人尤負幹濟
川督蘇廷玉知其能欲保任外吏以親老辭乃登
之卓薦厯任雖冷官品望素著牧令雅重之輒與
商政事戊戌歲大饑爲崇慶州牧年昌阿策荒政
全活甚衆調監錦江書院時川中人文蔚起應鄉
試者每科不下萬餘人舊置號舍不能容爲言於
當道增號三千而自董其成科第者至今便之西
昌濱邛池歲久水積民田多被淹沒建議開河以

通淤漫甯守翁祖烈從之民免水患歲益登復至
劍州與署牧王煌尤交善事多諮訪州民瘠苦而
當衝歲應夫馬費近萬金乃與王同稟上官裁減
照例歲定二千餘金令富民捐墊數年歲徵夫馬
費如常存公治產計出息得如減定數卽止俾民
間永免供應上官允所請後任者恐得罪往來人
也事遂寢劍民道舊事至今猶思之初葬劍劍民
有爲掃墓者後葬邑之犀牛山頂著有芙蓉山房

詩文集

黃應黼字少坪廷棟長子幼學廷訓有遠志十七
歲補弟子員隨父任出交知名士意量益闊達時
海內以安吏治積媮私謂門生日以吾觀之方今
亂在無形天下殆不免有事我等讀書當務求有
用毋沾沾爲小儒也既兩應秋試弗售道光十七
年丁酉舉拔科

朝考報罷後教習有名明年饒夷犯海疆

朝命大將軍某統師討之叅贊阿彥達知其才畧
可用薦之叅幕府黼以兵政久弛士不習水戰議

募士民爲兵將軍善其策顧弗能從浙有某觀察
家居密造黼告曰敵所恃者船及火器之利耳然
船大弗任使礮能及遠然弗便於近若環逼攻之
則蔑所施矣我能召水手萬人駕小艇萬翼上列
火具又設鐵鉤同時四面逼圍之火旣發而萬人
者棄所駕艇洶水歸雖鐵圍山可使鎔矧木耶
黼喜其與己意合則爲言之將軍將軍弗決黼又
陳必勝之理將軍仍弗決某觀察慷慨言曰事成
惟將軍功弗成不以相累某當自爲之黼復言將

軍時諸大臣已主和議將軍恐梗事卒弗聽黼與
力爭忿見詞色不可遂辭歸三十年復入都補鑲
白旗教習期滿以知縣用咸豐四年謁選得江西
星子當是時粵賊大起江左右盡陷星子亦在賊
中城空無人前令皆遙領不之邑或引疾去黼旣
捧檄則挺身往彭宮保玉麐方督水師駐鄱陽討
賊數檄召守令黼上謁彭問統兵幾何來以僕從
數人對彭曰若是則棄邑耶棄官耶黼曰邑雖陷
流亡尙可集但能用之民卽兵也且今安所得兵

某雖不才既令此當盡令事彭壯其言黼遂暫行
署於起蛟塘下令曰薙髮者卽吾民時民數年不
見官多蓄髮依回賊聞官軍進討輒與賊同誅冤
死者衆旣聞令則皆喜咸來集黼遴其壯銳四百
人日訓練之糧儲器械咸脩其勢益振進師逼湖
口黼以千人破梅家洲遂克湖口以功擢知州黼
請免積年逋欠以蘇民困又設捕蝗法秋得稔行
臺省下黼所刊條教各州縣是歲灾而不傷七年
調署廣豐賊從沿山來窺敗之明年賊又至復大

敗之是春題補義甯州知州以卓異薦尋丁父憂
大吏欲奪情力辭乃許終制然仍令辦防守事助
後令擊賊復大敗之以功擢直隸州知州同治二
年服闋署建昌同知卒於任所年五十有三黼黻
於政事案無留牘以恩得民心民弗忍歎亂時吏
胥藉降賊者幾千餘家黼誅其首餘皆遣之焚其
籍民以是尤感戴之常訓其子曰天下若皆賢州
縣官何何自起亂作而得賢州縣猶可禦亂然最
難爲者此官也吾輩讀書縱不貪黷但一有意見

民卽寃不愼於動作民失所汝曹不甘以山林老
若能直上固佳否則教官亦可養家不願汝曹爲
州縣官也所至有黃清天之目卒之日囊篋無長
物賴賻助始得歸視墓高縣之樂善漕柴子嶺

黃士元號春波道光乙巳進士少有至性篤於行
義家貧力學壬辰舉於鄉次年父卒喪葬遵古禮
以不克祿養爲憾故事母愈至雖菽水必承歡鄉
人有以公事干者悉絕之品望益隆從遊日衆嘗
講學於館聞母病劇徒跣奔歸人見之愈重其孝及

母患瘡痛劇婦女敷洗母苦其手重每潛伏婦後親爲調治母絕而拒之元謂兒手極輕母領之一家之中事偶有失致母怒竟夜跪榻前必母怒解始去兄弟肅處無間言居鄉素捐介人有急輒罄所有相濟母難色旋捷南宮官於陝及聞訃幾不欲生水漿不入口者三日奔喪歸母已葬哀毀如初服闋後署褒城縣誓不要錢人不敢干以私出則行李索然杯水必給值焉數月循聲四起撫憲張祥和閩邊過境深加獎之是年銀價大昂褒中

額舊制合錢不符時價有謂正徵當改合銀價否
必重累元弗許後果以累卒於官大憲知其廉而
攤償之始獲歸葬於珙之龍洞溝越三年喪人思
之建坊於褒之南關內誌不忘也孫二長寶森食
餽次寶書增生衣食豐足能繼書香

鄧桂林傳

君諱桂林字香樹恩貢生少讀書有遠見觀察史
叔平蒞珙器重之受業於門累薦不售遂講學巡
場富順有冒珙學籍者已數十年欲攻之俱以爲

難香樹與廩生楊聘三謀曰年雖久終冒籍也攻
之集眾謀果濟咸豐九年軍興奉母居縣城時宰
珙周明府值川滇之界羣寇如毛籌用正欸銀數
千金作軍需旋交卸委署代辦如鈞駘翟廷俊王
宮午先後守禦挪用之並借食倉廩因交代不清
上憲悉令來珙清算居數月無出時京選邵幼樵
司馬延請主講德馨書院交代無成議偕聘三日缺
本清苦用皆正用請就地籌還無爲各明府累也
同具稟定案初三釐之與稟數駁香樹請獨辦仁

一鄉鏡必成德。一鄉不特勞我。而縣
畏勞乎復稟請乃。識和謂徵香樹之方不及此
後因上鄉捨殺重業有司。捏稟演匪入用辦善後
欲將義倉穀請報。儲香樹曰。其。少積穀實難
有軍務遇天災。則歸於官。民受其怨。不恣爲也
事中止。其教人修整有法。造。施。尤多。胞兄柏林絕
嗣。以三子培華繼之。不言分業。遂。年辦防剿勦楚
營買軍米幾陷於危者屢矣。後奉督憲駱以勞績
由直隸州州判保六品藍翎。光緒元年平九絲城

出力制軍吳保加五品銜賞換花翎母氏黎太宜
人年八旬爲請封復以宗祠被賊焚獨力倡修
爲太宜人居焉工未竣尋卒時年五十有一長子
培衡食廩餼善繼述焉

楊世勲傳

君諱世勲號俊生字吉人性醜厚友于綦篤試輒
冠軍爲邑令史叔平林戟門兩先生所器重因石逆
屠陷鄰邑滇匪復連年不靖遂棄進取奉辦城守
事動協機宜以功授訓導非其志也日惟與子侄

輩講求孝弟討論詩書絕不假跡公庭時人咸欽
佩焉其胞兄因公賄累家中落母孀居年七十矣
深恐以家事遺母憂時善解說務得其歡心而後
已人有以分爨謀者婉謝之曰吾弟兄三弱弟已
歿胡忍出此如公言必大傷母氏心和安若素課
其兄之三子俱成名臨歿尤以義門陳氏百忍張
公勗其後人歲五十有三一子文杰業儒

公諱其封入燕正十年主時年文杰發詔長子
培其及冬無恙期通公嗣受大以義門刺入百感
楊發賜恩出北岐公言受大恩於人必昧安其素
君曰公亦勉矣集賢未收世厚喜策其蓋賜銀
冠賜恩恩案申茲所憂制節隔外德盛其精亦
屬烟霧其能張國恩張某者也素延散張其書
事雖難來李陳均備制書張其素也公以故人任